



Kanton Bern
Canton de Berne

hallo-bern.ch
salut-berne.ch

Mobilnost

Voz i autobus

Biciklo / Pješačenje

Auto / Motor

Vozačka dozvola

hallo-bern.ch

Informacije za dobar početak u novom mjestu stanovanja

Mobilnost



Voz i autobus

Javni prevoz u Švicarskoj je veoma razvijen. Praktično u svako mjesto i selo se može doći vozovima ili autobusima. Prevozna sredstva su tačna i voze u ravnomjernim intervalima.

Javni saobraćaj

Javni saobraćaj u Švicarskoj (ÖV) ima veliki značaj. Pošto je svako mjesto nekoliko puta u jednom satu dostupno vozom ili autobusom, mnogi putnici koriste javni saobraćaj. Prevoz je relativno skup. Međutim postoje razne mogućnosti uštede novca u prevozu. Može biti korisno ako se kupi pretplata ili karta sa popustom. Sa relativno niskom pretplatom "pola cijene" (Halbtaxabonnement | abonnement demi-tarif) u cijeloj Švicarskoj se plaća samo pola od ukupne cijene prevozne karte. Takođe je moguće kupiti kartu s popustom (Sparbillet) za određene vozove ili autobuse.

Vozne karte i pretplate

Osobe koje hoće da koriste voz, moraju prije vožnje kupiti voznu kartu. U vozu se karte ne mogu kupiti. U autobusima je to različito regulisano. Na svim željezničkim stanicama i na većini autobuskih stanica se nalaze automati za kupovinu karata. Na velikim željezničkim stanicama postoje i šalteri. Karte se mogu kupiti i online ili preko mobilnog telefona. Za osobe koje više putuju, postoje mogućnosti raznih pretplata. Pretplate se mogu kupiti za pojedinačne linije, za pojedina područja ili za cijelu švicarsku saobraćajnu mrežu (Generalabonnement | abonnement général). U prisustvu odrasle osobe djeca u dobi do 6 godina putuju besplatno. Djeca u dobi od 6 do 16 godina, koja imaju "Junior" ili "Enkel" kartu (Juniorkarte, Kinder-Mitfahrkarte | Carte Junior, carte Enfant accompagné), skoro uvijek se mogu voziti besplatno sa roditeljima ili bakama i djedovima. Informacije o voznim kartama i pretplatama dostupne su na Švicarskim savezним željeznicama (SBB | CFF) ili kod autobuskih prevoznika.

Kanton Bern - LIBERO - Tarifno udruženje

U Kantonu Bern "tarifno udruženje" LIBERO nudi specijalne cijene za pretplate, pojedinačne i dnevne karte. Područje kantona je podijeljeno u nekoliko zona. Karte ili pretplate kupljene za određenu zonu vrijede i za voz i autobus u biranoj zoni. Ako se putuje izvan te zone, potrebno je imati dodatnu kartu.



Kanton Bern
Canton de Berne

hallo-bern.ch
salut-berne.ch

Opštinske dnevne karte

Ukoliko se planira duže putovanje po Švicarskoj onda se u tom slučaju u mnogim opštinama mogu kupiti dnevne karte po sniženoj cijeni. Količina ovih karata je ograničena, tako da se moraju pravovremeno rezervirati. Informacije se mogu dobiti u opštini.

Noćni prevoz

U kantonu Bern autobusi i vozovi vikendom voze do kasno u noć. Upozorenje: Na noćnim linijama plaća se specijalni dodatak.

Više informacija (linkovi, adrese, brošure, informacioni listovi)

www.hallo-bern.ch/hr/mobilnost/voz-i-autobus



Biciklo / Pješačenje

U Kantonu Bern je dobro razvijena mreža biciklističkih staza, te jevožnja biciklom veoma prijatna. Mnoge osobe koriste biciklo kako bi stigle do radnog mjesta. Za pješake ili planinare postoje posebne staze.

Pješke ili biciklom (Velo|vélo) na putu

Gradovi, kao i manja mjesta u Kantonu Bern su atraktivni i relativno bezbjedni za bicikliste i pješake, tako da puno osoba na kratkim relacijama ne koristi auto. Na mnogim mjestima postoje posebne biciklističke staze i putevi. Pješaci imaju uvijek prednost nad svim vozilima na pješačkim prelazima (osim ako su prelazi ulice regulisani semaforom). Kanton Bern nudi mnogo lijepih staza za šetnje i planinarenje, koje se mogu upoznati u slobodno vrijeme. Ove staze su označene žutim putokazima.

Pravila za bicikliste

Da bi se u Švicarskoj vozilo biciklo nije potrebno imati posebnu iskaznicu niti polagati ispit. U suštini važe ista saobraćajna pravila kao i za vozače automobila. Ukoliko postoje posebne staze za bicikla, one se moraju koristiti. Biciklo mora biti u voznom stanju (dvije dobre kočnice, zvono, reflektori naprijed i pozadi i na pedalama, svjetla naprijed i pozadi). Nošenje kacige nije obavezno, ali se preporučuje. Vozači bicikla trebaju u svakom slučaju zaključiti osiguranje od lične odgovornosti, jer su oni odgovorni za eventualno nanešenu štetu (osobama ili stvarima).

Učenje vožnje bicikla

Onaj ko želi da uči voziti biciklo može ići na kurs za voženje bicikla. Udruženje Pro Velo (Pro Velo) nudi kurseve u svim regionima kantona. Za migrante i migratkinje postoje u nekim mjestima posebni kursevi. Na berzama za bicikla moguće je naći jeftina korištena bicikla.

Transportovanje bicikla

Onaj ko želi vozom ili autobusom transportovati biciklo, treba da ima za biciklo specijalnu voznu kartu. Nije uvijek i svuda moguće transportovati biciklo sa sobom. Za transport bicikla u vozu nekada je neophodno unaprijed rezervisati mjesto.

Više informacija (linkovi, adrese, brošure, informacioni listovi)

www.hallo-bern.ch/hr/mobilnost/biciklo--pjeaen



Auto / Motor

U Švicarskoj postoji dobro izgrađena putna mreža. Upotreba većine puteva je besplatna. Saobraćajna pravila su veoma važna. Kazne za prekršaje u saobraćaju su visoke.

Saobraćajna pravila

Pravila u saobraćaju su od velikog značaja za vozače automobila u Švicarskoj. Kazne su u poređenju sa drugim zemljama veoma visoke. U slučajevima teškog kršenja pravila može doći do oduzimanja vozačke dozvole. Neka važna pravila:

- Maksimalna brzina u naseljenim sredinama: 50 km/h, izvan naselja: 80 km/h i autoput: 120 km/h
- Na autoputu je zabranjeno preticati sa desne strane
- Svjetlo mora biti upaljeno i po danu
- Sve osobe u automobilu moraju imati vezane pojaseve
- Djeca moraju za vrijeme vožnje da sjede u sjedištima za djecu (do 12 godina starosti ili do visine od 150 centimetara)
- Telefoniranje tokom vožnje je dozvoljeno samo uz upotrebu mikrofona i zvučnika
- Vožnja pod dejstvom alkohola i droge je kažnjiva (granica 0.5 promila alkohola)
- Pješaci na pješačkom prelazu uvijek imaju prednost (osim ako je prelaz ulice regulisan semaforom)

Putarina

Puteve finansiraju Savez, kantoni i opštine. Upotreba puteva je besplatna. Izuzetak su autoputevi: Vozači koji žele koristiti autoputeve moraju kupiti svake godine naljepnicu za putarinu (Vignette). Ona se lijepi na prednje staklo. Naljepnice za autoput se mogu kupiti na benzinskim pumpama, u pošti ili u službama za saobraćaj.

Osiguranje

U Švicarskoj se smiju voziti samo ona motorna vozila koja su osigurana. Razna osiguravajuća društva nude osiguranje od odgovornosti za motorna vozila (Motorfahrzeug-Haftpflichtversicherung | assurance automobile). Osiguranje plaća nadoknadu štete koja se izazove motornim vozilom (materijalnu i ljudsku). Za oštećenja sopstvenog automobila može se zaključiti dodatno osiguranje (Kaskoversicherung | Assurance casco). Upozorenje: Ukoliko se neko ponaša krajnje nepažljivo, moguće je da osiguranje ne plati štetu (na primjer, u slučaju vožnje pod uticajem alkohola ili droge). Osiguranje od odgovornosti za motorna vozila nije sadržano u osiguranju od privatne odgovornosti.



Kanton Bern
Canton de Berne

hallo-bern.ch
salut-berne.ch

Uvoz motornog vozila

Ukoliko neko želi uvesti motorno vozilo u Švicarsku, to vozilo se mora prijaviti na carini i ocariniti. Vozilo mora biti tehnički ispravno. Pri tom je potrebno posjedovati: osiguranje od lične odgovornosti za motorna vozila, švicarsku vozačku dozvolu i švicarske tablice za auto. Detaljnije informacije pruža Služba za drumski saobraćaj Kanton Bern (Strassenverkehrsamt | Office de la circulation routière).

Više informacija (linkovi, adrese, brošure, informacioni listovi)

www.hallo-bern.ch/hr/mobilnost/auto--motor

hallo-bern.ch

Informacije za dobar početak u novom mjestu stanovanja

Mobilnost



Vozačka dozvola

Da bi se u Švicarskoj mogao voziti auto ili motor, potrebno je imati važeću vozačku dozvolu. Inostrane vozačke dozvole se moraju prevesti nakon doseljenja u Švicarsku.

Inostrana vozačka dozvola

Osoba, koja se doselila u Švicarsku i već posjeduje vozačku dozvolu, mora u roku od 12 mjeseci izvaditi švicarsku vozačku dozvolu. U tu svrhu se mora podnijeti zahtjev kod Službe za drumski saobraćaj (Strassenverkehrsamt | Office de la circulation routière). U zavisnosti od zemlje porijekla vozačke dozvole primjenjuju se različita pravila za promjenu dozvole. Moguće je da bude potrebna probna vožnja i da vozači moraju polagati teoretski ispit u Švicarskoj. Kanton Bern, Služba za drumski saobraćaj daje više informacija.

Polaganje vozačkog ispita

Da bi se u Švicarskoj dobila vozačka dozvola, potrebno je položiti ispit. Vozački ispit se sastoji od teorijskog i praktičnog dijela. Samo osobe koje su napunile 17 godina života mogu polagati teorijski ispit. U kantonu Bern se ovaj ispit može polagati na njemačkom, francuskom, italijanskom i engleskom jeziku. Služba za drumski saobraćaj pruža detaljnije informacije o uslovima i postupku polaganja. Za vožnju kamiona, autobusa i taxi vozila potrebno je polagati posebne ispite.

Više informacija (linkovi, adrese, brošure, informacioni listovi)

www.hallo-bern.ch/hr/mobilnost/vozaka-dozvol